

皇明經世文編

皇明經世文編卷之一百五十九

華亭

陳子龍臥子 宋徵璧尚木

徐孚遠闇公 李 雯舒章

編輯

宋存標子建叅閱

毛東塘集

疏

廣時議以防虜患疏

北京外城

毛伯温

臣等看得御史焦璉等原題專為京城四外關廂欲各建大門定立壕塹以便防守及查工部覆題微有

不同。合行申明。爲照城郭之制。其來尚矣。管仲曰。內爲之城。外爲之郭。又吳越春秋云。築城以衛君。造郭以守民。禮記月令以孟秋補城郭。以仲秋築城郭。繇是言之。有城則有郭。從古皆然。而補治增築之法。尤乘時宜爲之。不容緩者。孟軻曰。三里之城。七里之郭。是小國之城郭也。小國且然。況金城天府都會之大耶。我太祖高皇帝定鼎南京。旣建內城。復設外羅城於外。所以鞏護洪基。立億萬世不拔之圖也。

成祖文皇帝移都

京師。內城之建。極其壯固。所以

京師內城之建。極其壯固。所以

初志亦得我○臨東城○重○是○轉○守○在○四○夷○而○望○上○
未設外城者以內城之廣民庶可居但今重熙累洽

等語問親○可謂深○本○物○之○大○六
百數十年長養休煦生齒日繁以四方庶姓雜居鱗
次百物商賈所聚輻輳城外之民殆倍於城中矣於
此不設外城則平居之際四漫羣渙既無所藉以爲
郭羅一遇有警倉卒惶駭又無所恃以爲捍蔽旁諏
熟思均爲未便伏乞 俯採愚議 勅下工部仍爲
先今題奉 欽依事理於各關廂外隨宜相度通行
修築外羅土城一圍城外取土即可成濠四面各立
城門合用錢糧人夫從長議處若工程浩大人力不

齊一時難以據辦將南關南關者以在○外故也一面居民稠密去處先行修築其餘三面以次漸成如此不惟增壯屏翰亦可潛消奸宄重門拱衛崇城聳嚴內謐外寧萬萬年無疆之休也。

清弊蘇民疏

養馬

養馬量為北方大害而國家從未收馬之利不若看得巡按直隸監察御史劉維禴題稱揀賣寄養馬重濟牧地緣以周道如御馬請疏之制亦之於養之匹老病癘瞎十二年以上者追銀一十五兩十二年於官斯為得也以下者追銀二十兩但有官校騎傷并保定遼東軍人兌換馬匹暫發寄養而遼東退換者狼狽尤甚若

一槩照年追價人情委有不堪乞要比照前例剷歿者止追肉贓銀伍兩其癘瞎老病領養二年之上者責亦難辭保定軍人退回者量追銀一十兩遼東軍人退換者減追銀七兩又稱寄養州縣密邇京師權豪勢要有地無馬者十之五六造冊之年又能巧於營求往年審編止縣太僕寺行文攢造若州縣官員安能絕其請託今當審編之期要行坐委廉幹官員游養馬匹官吏多分投編派先將馬地嚴加清理務使里滿里總縣滿縣總州滿州總然後以地多者爲馬頭地少者爲貼

皇明經世編

毛東塘集

卷馬

三

平露堂

戶馬之肥瘦。責成於有力之家。不許輪流餽養。致損馬匹。凡有役占之家。止以嫡親兄弟子姪報冊。各一節爲照本部題。請初意。蓋緣各處馬匹解俵艱難。一發寄養。瘦損骨立。而專管馬政者。營幹別差。不暇點驗。職司提調者。因地廣遠。巡歷不週。任從作踐。遂致瘦損。每遇調兌。揀退居多。屢經行查。竟無實報。是以議請差官選驗。欲其法令嚴明。人不敢犯。今本官題稱前因。查有前項事例。相應依擬合候。命下移咨。巡按直隸監察御史劉維禴會同提督少卿親

詣各該州縣督同掌印管馬官員將各寄養馬匹儘數拘調到官從公揀選要見廐息壯健實堪騎征者若干年齒尚可廐息未滿堪以調養者若干着令人戶用心餵養務令廐壯其瘦弱不堪者查照領養年月久近及保定遼東退回并曾經戰陣騎傷倒斃者悉如本官所擬各追銀解部發寺收候買馬支用下次揀閱仍照原議擬一體追罰不許援以爲例再照

地標爲熱○城內傳所○占并年距青一差○亦故事而○已

近京依

與雜泛不同雖京官亦無優免近年權豪勢要莫敢

誰何富家巨族巧於營幹率多有地無馬以致累及貧戶馬之瘦損勢所必至今歲適當審編之期必須坐委廉幹官員從公編派嚴清馬地以地多有力者一人爲馬頭領養馬匹地少力薄者定爲貼戶幫備草料如有倒失專責於領養人戶庶馬匹肥瘦有所責成而餽養不致輪流推調再有權豪之人倚勢囑託阻撓行事應提問者徑自提問應叅究者叅究施行以後若有騎征退回馬匹到寺提督少卿務要隨時驗看蹄腿臙息明於籍冊註以瘦傷輕重字樣呈

部知會方發寄養以杜馬戶臨驗遞釋之弊事完通
將揀選過堪用不堪用馬匹并追收變賣過銀兩完
數造冊奏繳仍造青冊送部查考緣係 欽依兵部
知道事理未敢擅便謹 題請 旨

欽奉 聖諭疏

禦虜戰守

看得總督宣大真保河南山東等處軍務兵部右侍
郎兼都察院左僉都御史翟鵬具題前因大意謂防
邊禦虜不過戰守二事守則有要據險守要以一當
百戰則有機度地陳兵以逸待勞欲要將東自平刑



關起西至偏頭關盡境止定擬戍兵畫地分兵再設
遊兵三枝一在鴈門一在寧武一在偏關賊若攻牆
戍兵上牆拒敵遊兵出關夾攻所謂守中有戰正中
之奇東自大同陽和城西抵山西老營堡徧觀地形
詳察賊路已有定算如賊從北來則設兵於左右衛
鄉村羊圈頭曹家梁小金庄等處以待之賊從東北
來則設兵於懷仁高山鄉村周家庄吳家窰劉按莊
等處以待之賊從西北來則設兵井坪平虜鄉村窰
子頭高家堡油房頭南北帳子等處以待之又東于

宣大之交。三關之界。各設勁兵以防奔逸。又選慣戰○近宜督

官軍六千。員名分爲二營。臨時會行總督張鳳親自專練新兵一萬。亦此意也。

統領隨機應變。所謂戰中有守。奇中之正。北直隸河

南山東等處。紫荊倒馬龍泉等關。有備亦可無備亦庚戌虜患後。○過○備○山○東○河○南○世○

可及。稱將官三軍司命。地方安危所係。欲要天語○無兼也。

申勅諸將本部申明誅賞。各一節爲照。用兵之機。固

難于預度。制勝之畧。寔成于多算。蠢茲醜虜。連歲侵

軼。雖將來向往。未可逆知。大要亦不過越宣大以犯○指○臺○分○明○

三關。越三關以犯腹裏。若使宣大陳兵力戰。必不能

抵關而攻使三關分墻拒守必不能越關而入所據
戰守一應事宜既該總督侍郎翟鵬悉心計議具奏
前來竒正之辨虛實之形緩急之要無不曲盡事在
關外相應通行依擬合無備行文武總督大臣查照
原議作速舉行各該大小文武官員敢有抗違阻撓
致誤軍機者應拏問者徑自拏問應招叅者星馳招
叅但稱北直隸河南山東等處紫荊倒馬龍泉等關
有備亦可無備亦可固叅酌先後緩急之言內紫荊
倒馬龍泉等關切隣邊境與直隸河南山東不同必

須查照節次原行事理嚴加隄備庶保萬全臣等再
照將不專殺愛克厥威必致罔功專尚首功文浮于
質鮮不債事是以臣等向來會題一款欲勅下總
督大臣今後臨陣退縮及逗遛不進者都指揮以下
許其斬首總參遊等官許其先取死罪招繇參奏處
治勅下總兵官軍士臨陣退縮及逗遛不進者亦
許其徑自斬首一款欲另設衝鋒破敵一科專一破
陣不貪首功一款欲將奮勇迎敵殺敗虜賊者雖是
斬獲賊級數少官軍陣亡數多仍須論功陞賞雖俱

蒙 聖允未曾明降 天語是以總督翟鵬又有此
申明誅賞之奏伏望 皇上俯念虜患方殷將前項
誅賞事宜嚴切申諭庶二臣遇警得以展布將來浮
議不致紛起邊方幸甚臣等幸甚

責成總督以靖虜患疏

專責禦虜

看得防邊之道固在于立法尤在于得人得其人其
法自舉不得其人雖得良法亦無所用之若既得其
人而信之不篤任之不專則其權雖重其心未免仍
懷顧忌臣等晝夜思惟以爲責成總督一事最爲切

要。卽今總督翟鵬張鳳一時並設，文武相資，謀勇允

濟，但臣等猶有過慮者四。自古將相和調，則士豫附。

從來督撫並設，不設和協

二臣仰承簡命，必能同寅協恭，但事權相埒，嫌隙

以說失事者多有

易生。此其所當預為責成者一也。自古命將出師，最

忌中制，所謂閫以外將軍制之。若往復奏請，不惟

耽延日月，必致誤事。此其所當預為責成者二也。近

年邊事廢弛已極，千瘡百孔，固非旦夕可以責效。雖

有小失在朝議止宜深諒其心，姑畧其迹。在二臣

○邊臣專與○內廷相爭以

止宜一意籌邊，不當更恤其他。縱有人言惟痛自循

省益脩不逮不宜槩求引避以致下人觀望致誤事
機此其所當預爲責成者三也。總督大臣近有明
旨許其專殺雖總兵亦許其先取死罪招繇但恐諸
將仍襲舊弊各執已見不聽大臣約束其意止欲脫
身雖卽加以抗違重罪亦所甘心。但知自謀不顧誤
國此其所當責成者四也。惟茲四事若不早爲議
處臨期何以圖功臣等待罪本兵先事不言無所逃
罪伏望特降明旨責成翟鵬張鳳凡事務要協和
計議共濟時艱軍中一應機宜務要遵照明旨便

宜行事不必往返奏 請有失事機縱有人言 朝
廷自有處分不必循例引避以致人心解體總兵以
下如敢抗違應招叅者叅奏拏問應斬首者徑自斬
首責成如此而二臣有不益紓忠悃大破醜虜者乎
否則明正其罪亦自無詞可諉矣

分人馬嚴關隘疏

邊關險隘

看得狡虜之謀每攻于不備禦虜之計不嫌于多方
仰惟 皇上愍生靈之塗炭憤醜虜之驕恣既令所
司將錢糧馬匹器械等項勒限給發又特勤 聖衷

徵調莊浪魯經人馬邊臣之奏靡不允行廷臣之
 議多見采納臣等愚昧更復何言但惟今日之事急
 當防守宣大若宣大有備三關自保無虞三關有備
 山西腹裏自保無虞已該臣等會官題奉 欽依令
 總督大臣將應行方畧悉心計議總督大臣必能用
 思曲慮仰副 聖懷但恐姦細窺伺知我彼中有備
移多致宜洩
 或暗結三衛東出密雲等處或越過宣大徑犯紫荆
 諸關山西兵馬既遠不相及宣大兵馬反懸隔在外
 若使臨期方行議處不無緩不及事臣等晝夜憂惶

兵事備禦亦當嚴密論文

食寢俱廢。查得京營人馬原爲居重馭輕。邊關今旣事在緊急。合當預先分布以爲聲援。若卽日令其前去。警報未至。又未免坐費糧賞。相應斟酌題請。欲

候命下。備行團營內外提督大臣兩廳十二枝。併團營十二營。各該聽征總兵叅將并坐營等官。各將所領人馬如法通行操練。務使兵將相識。行伍整肅。聽候調用。一面聽臣等將叅將羅文豸分布密雲古北口潮河川一帶。叅將劉振分布黃花鎮一帶。叅將和勛分布居庸關白羊口一帶。叅將茂鎮分布紫荆

關浮圖峪一帶。叅將寧乾分布倒馬龍泉關一帶。令其先各量帶家丁六名。應付廩給口糧。前去分定地方。會同彼處叅將分守。守備等官。將地理險易軍數。地之○慮

多寡逐一講究。踏看停當。限半月以裏。回京畫圖貼說。回報本部。候有警報。帶領所管人馬。即日啟行。仍聽總督大臣并各該巡撫總兵官節制。不得自分彼此。失誤事機。有功與地方官一體陞賞。失事與地方官一體處置。合用錢糧。盔甲器械等項。戶工二部徑自作速議處。其總兵郭琮等。聽候臨期分布近京地

方防守、臣等愚見如此、伏乞 聖明裁定、

條陳軍務疏

處置衛軍

看得總督侍郎翟鵬巡撫李珣題稱山西招募土兵、
數下期年、無人應募、乞要將河南山東四川湖廣浙
江江西福建廣東廣西雲南貴州等處之軍、停止清
解、責成布按二司清軍官嚴督府州縣掌印等官逐
一清出、不必解發、存留本省、撥發就便衛所食糧差
操、人情順便、邊防得用、各一節爲照 國初克軍人
犯南北交相編發、原爲重懲奸惡行、至今日、在軍士

則有不服水土之苦。在里甲則有解人紛擾之害。若

汪舟州亦有此疏

不爲常例存留本處征操。不惟人情便利。亦且營伍

覓實。一舉兩得。誠爲通變宜民之政。况今山西地方

連年虜患。極其殘破。比之各鎮。緩急尤爲不同。且多

今募兵計賊不知何日是足兵之期

方。招募期年未集。就近存留人心。樂從。又查有前例

所據前項。亟復改編事宜。旣該總督侍郎翟鵬都御

史李珏具奏前來。原經三司官員會議。攸同。相應依

擬合候。命下備行。翟鵬李珏暫將山西應解河南

山東等處軍人。免其清勾。撥發附近衛所。就便食糧。

操練精壯者盡行責付新設四處叅將統領多餘之
數分發守城邊操等項應用其宣大各鎮亦照例施
行事完各該巡撫都御史仍將存留軍人姓名備造
文冊二本一本 奏繳一本送部轉發各該衛所開
豁原伍以後再不許勾擾但係干舊例臣等不敢定
擬伏乞 聖裁

修舉馬政疏

馬政

竊惟政之與弊兩不相符然而政行則弊革政弛則
弊生此理勢之必然也仰惟我 國家安內攘外必

賴乎兵。揚兵遠畧，必資乎馬。故設專官督理，以各處歲解之馬，寄養近京地方，以備調用。分給京營騎操，以資戰陣。牧養有法，點驗有則，倒死有罰，雇借有禁，載諸簡冊。昭昭可遵，但法久人玩，政漸廢弛，相應因時修舉，看得國家莫大於戎，軍政莫急於馬。近年醜虜犯順，深入爲患，雖仰仗天威，旋復遠遁，而備禦之策，全賴馬力，誠不可不講。緣係申舊典，祛積弊，以修舉馬政事理，未敢擅便，開坐謹題請旨。

一選殷實重樁銀，以惜營馬。洪惟我國家設府兵

以拱衛京師分騎步以相兼爲用。立法善矣。竊照騎兵舊例必選殷實壯勇官軍領養馬匹。欲其不尅草料。遇有調遣。堪以騎征。若雇借騎馱者。彼此罰馬一匹。倒死者。追罰椿銀。都指揮三兩。指揮二兩。五錢。千百戶鎮撫二兩。旗軍一兩。伍錢。走失被盜。各加伍錢。相兼朋銀買馬。立法頗詳。夫何法久人玩。倒死馬匹。日益增多。今查自嘉靖二十年四月初五日赦免之後。至嘉靖二十一年十一月初五日爲止。總計二十箇月。共倒死六千七百二十八匹。大約每月倒死三

百六十餘匹甚為可惜且領養之馬四五年而死者

猶之可也甚至兌領未及一年遂已倒斃推原其故

蓋領馬者多係艱難單弱官軍交通管隊官旗兌領

領京管馬皆哨之以精十步一喘吾輩乘之已厭其驚○何以充敵

馬匹希圖尅減草料及下班售雇騎馱覓錢度日該

管官司既不時加點驗及至倒死又不隨時報官仍

復盜支草料積至數月捏作見死呈司且把總官申

呈文移原無印可憑任從展轉或雇人代替真偽莫

辯及至追收椿銀亦未分別久近一例追罰輕重失

倫人情易犯查得各邊見行站軍領馬事例係一年

之內例歿者，從輕追椿銀五兩，二年者四兩，三年者三兩，四年者二兩，五年之上者，官爲補給。今京營騎操之馬，有下班休息之期，比之各驛晝夜走過，勞逸頓絕，相應議處合候。命下本部劄付太僕寺轉行提督少卿，并巡視京營科道，共同坐營千把總等官，責令親管官旗，揀選殷實壯勇官軍，自相供報，照舊領養。如丁寡家貧者，就將原領馬匹追退，另選相應官軍領騎，造冊送部。後遇軍逃遺馬，亦要殷實領養。行移本部改註姓名，庶便查考。仍行各該管隊官每

月一次把總官兩月一次副叅并提督少卿每季一次各點驗騰息。若有瘦損嚴加責治。如若倒死馬主務要隨時具呈。該管把總查實追驗勘合相同。粘連具呈。就用本管官私記鈐蓋。給付馬主親齎赴司對同原冊毛齒。照例責打新馬三十棍。舊馬二十棍。移咨戶部住支草料。其追收椿銀合無比照驛馬事例。領養一年倒死者。旗軍徵銀伍兩。官員仍叅以椿銀舊例。各以伍錢。遞加千百戶鎮撫該銀伍兩五錢。指揮六兩。都指揮六兩五錢。其二年者。旗軍四兩。千百

戶鎮撫四兩伍錢指揮五兩都指揮五兩五錢二年
者旗軍三兩千百戶鎮撫三兩五錢指揮四兩五錢
四年者旗軍二兩千百戶鎮撫二兩五錢指揮三兩
都指揮三兩五錢五年以上者仍照舊例旗軍一兩
五錢千百戶鎮撫二兩指揮二兩五錢都指揮三兩
走失被盜各加五錢領養十年以上者免其追罰官
爲補給其倒死該追椿銀務在一月之內完納若過
限不完或倒失數多就將原報親管官旗住俸責限
追併完納其今擬追罰之例須候審允造冊送部之

目爲始，然後舉行，庶免累及貧軍，如此則上下黥驗
既嚴，而官軍知警，倒歿久近有別，而罰治公平，馬匹
自蕃而軍威自振矣。

一申舊例嚴罰治以禪馬政，查得在京神機奮武
等營騎操馬匹，舊例太僕寺提督少卿每半年比較
一次，如管隊官以一隊爲率，瘦損至十五匹，倒失至
十匹者，住俸一箇月爲止，把總等官亦以瘦損三十
匹，倒失二十匹者，住俸一箇月，以上每瘦損二十匹，
倒失十匹，遞加住俸，亦止三箇月，其瘦損者責令用

心喂養應壯。倒失者嚴限買補完足。如下次點閘瘦損者仍前瘦損及數外又有瘦損者。管隊官以十五匹把總官以三十匹。倒失不曾完補及數外又有倒失者。管隊官以十匹把總以二十匹。各爲則俱遞加住俸至六箇月爲止。不及數者量情發落立法甚嚴。人不敢犯。殆至嘉靖十七年。該武定侯郭勛奏改倒死馬匹果係領養十年以上者。把總官免追若十年以下者。以百匹爲率。二十匹以上。把總官送問。十五匹以上者。量加罰治。不及數者免究。較之前例稍寬。

所以人情易犯近年以來倒失馬匹日漸繁多各該
坐營千把總等官止知缺馬奏討不知加意存恤况

○應依之馬以募回

民間起解之際剝財勞力費出萬端到京驗俵務求
壯健合式一旦兌給與軍瘦損骨立以有限之財供

役云

無窮之費誠為可惜若不申嚴罰治未免流弊日深

合無備行提督少卿將各營騎操馬匹查照先年舊

例每年一次親詣比較計算管隊等官部下瘦損倒

失馬匹多寡數目遞加住俸叅究若提督官員偷安

不行點驗者亦聽本部查照前例從公叅劾如此則

舊章不紊而罰治嚴明時弊可杜而馬政克修矣。

一嚴選閱視羸弱以清寄養仰惟 國初備用馬匹

散處民間正統十四年北虜侵犯京師一時缺馬騎

操該太僕寺奏 准將順天府所屬人戶孳生馬匹

分散別府領養就於太僕寺孳牧馬內每年派取二

萬匹分散順天等府州縣喂養拱衛 京師兼備邊

關調用凡各處解到馬匹本部發寺揀選試以眼目

驗以蹄腿較以毛齒限以尺寸稍有不堪再易三易

務求合式收發寄養復設府州縣管馬官時驗臚息

大僕寺提督少卿兼巡歷查勘。宜乎臆息壯健。雲錦成群無不可用之馬矣。近該太僕寺派馬呈內開稱見在馬三萬八百二十四匹。內有老病瘦損馬五千五百匹。其餘堪用者。每遇調兌。簡退居多。方究其實。而老病瘦損者。蓋不止於此數也。揆厥所繇。點驗巡視之法漸隳。以致領馬人戶。減尅草料。或用之耕作。人家有一馬者。父子兄弟無不乘之。騎馱耕作。無不用或用之以碾磨。或用之以轉雇騎馱。重困莫惜。甚至之錫其力。而後止。皆始於編審時。實富。至貧也。瘠病不加醫療。日復一日。漸至狼狽。中有瘦損暴病失臆。尚可調攝者。至于癯瞎老疾。益養益疲。雖嘗移

文查驗。所司不行從實開報。徒費民財。餒養終無騎
征之益。查得弘治二年該太僕寺卿王霽條陳本部
議擬。今後每三年一次。該寄養馬匹。逐一揀選。除齒
歲少壯外。果有十八歲以上。不能騎操者。造冊奏
請變賣銀兩。湊買馬匹等因。題奉 准議。今照前例
積久未行。相應查舉合無 請差御史一員。捧 勅
前去順天保定河間三府所屬涿州等州縣。無拘常
例。將寄養馬內。通行查驗。實堪騎操者若干。其間年
齒未及。尚可臚息者若干。責令人戶用心喂養。以收

後效。其病瞎瘦損不堪調養者。卽係奸民作踐所致。情甚可惡。相應不分久近一例追還原價以示懲戒。但弊習已深。因循積久。遽然嚴於追罰。又恐人情不堪。姑從寬分別發寄年月。如領養十二年以上者。量減追銀一十五兩。十二年以下者。仍照原價追銀二十兩。以後三年一次差官點驗。若再有作踐等項。致令瘦損不堪者。不分久近。一例追銀二十兩。俱解發太僕寺收候買馬。仍嚴督各府州縣掌印管馬官。行令養馬人戶將堪用及尚堪用調養馬匹。務要水草

及時。喂養如法。若或仍前私用騎坐。或官借出差等項。事發問罪。各照例追罰馬匹入官。其太僕寺少卿按季出巡管督各州縣管馬官員。今後務要每月一次親詣各鄉。府管馬官兩月一次親詣州縣點驗。應息。若有不堪。嚴行責治。令其調養。以十分爲率。三分不堪者。管馬官提問。不及數者。量情責治。提督少卿每季出巡。回日。備將點驗過馬匹堪否數目呈部查考。若寺官偷安不行巡視。聽本部并科道官舉劾。以示勸懲。如此。庶馬政克修。而緩急有備。京師鞏固。而

邊疆有賴矣。

一處草料惜戰馬以防虜患。仰惟我祖宗創制之

初。以廐牧係乎本兵。度支隸于戶部。然所司之職。雖殊。而鞏固之意。則一也。切見各邊奏討馬匹。旋復倒死。近如宣大兩鎮。尚書樊繼祖奏討馬六千八百匹。甫及一年。卽倒死一千八十二匹。本部署郎中等官胡岳等買發兩鎮馬一萬四千五百七十七匹。未及四箇月。卽倒死七百八匹。此係嘉靖二十一年八月十五日巡按御史侯度查報之數也。殆今又不知倒

歿凡幾何矣。推原其故。蓋馬非草料。則不能延生。雖
有下場舊例。緣近年逆胡犯順。邊鄙匪寧。戰守尚爾
不暇。豈能驟遠牧放。日費草料。苟能官爲處給。貧軍
自贍不前。寧能復顧其馬。雖欲其不疲與死。烏可得
也。是故節該巡撫保定都御史劉宣。府都御史王屢
稱缺乏草料。疏行所司。每以常格爲拘。未曾查給。及
照京營騎操馬匹。亦多倒死。每月不下三四百匹。每
歲倒死馬約計三四千匹。亦因糧料不繼。折給價銀。
令軍自買。且銀之在手。雖良民不免浪費。况貧軍乎。

馬之類。夫○其。善。千。七。八。月。開○之。故。者。一。

雖有嚴刑重罰。竟不能遏。良有以也。竊惟經以守常。權以處變。方今虜情叵測。殆非往日供饋之需。似難拘于常格。况尙大者不計其小。務本者不逐其末。若以每馬一匹論之者。本價卽該銀二十餘兩。其解俵盤費數亦過倍。然草料日計不過三分。歲止用銀十兩有奇。若或吝此不給。未免靠損馬匹。是重末而輕本。惜小而費大也。若不從權經理。何以克濟時艱。合候命下本部備行各該督撫等官。今後用馬奏討。既內明開合用草料數目。勅下戶部一面酌量查

給其京營騎操馬匹務要支給本色不得仍前折銀以免侵漁之弊脫或草料不繼或令原解上納本色或召商依時收買以資後用其各處馬匹應該下場月分遇有警急大破常格照例支給草料如此則馬匹免靠損之虞官軍有騎征之溝矣。

一因舊典酌時宜以消積弊查得問刑條例內一款官軍所領官馬耕田走遞馱載物件或兩人共騎或婦人騎坐者問罪俱罰馬一匹若雇與人騎坐等項枷號半箇月及借與人者各彼此罰馬一匹例固嚴

矣。但法久弊滋。近來奸頑之徒。輒買老弱不堪馬匹。送官塞責。其價不過值銀三五兩。所以人無畏憚。犯者相繼。法司亦視爲故事。不復究其美惡。作數送寺。轉發寄養。徒費民間草料。終無騎征實用。若不因時酌處。不無奸欺日甚。法令日隳。合無備行問刑衙門。今後凡有犯該官馬雇借騎馱之人。應罰馬匹。不必追其本色。折納價銀十兩送部。轉發太僕寺收候買馬之用。如此則舊章不紊。而禁例嚴明。國有實用。奸弊可杜矣。

諭

正名倡義以防夷方檄諭

勸諭安南

為正名倡義昭大法以安夷方事照得當職同 欽

差總督軍務總兵官咸寧侯仇 欽奉 勅諭有事

軍中所急 本朝王文成最長此亦甚明健

安南已將應行事宜俱已查議明白併行布按都三

司等官各任其責整搦兵馬備集錢糧聽候徵調及

將莫登庸莫方瀛聲罪檄問去後會同兩廣軍務兼

理巡撫都御史蔡 兩廣總兵官征蠻將軍安遠侯

柳 巡撫雲南都御史江 鎮守雲南總兵官黔國

公沐 議照 天子爲華夷之主必敦典滅繼絕之仁。聖人爲綱常之宗必彰討叛除克之義。時惟欽崇乎 天道所以允協乎輿情。今黎氏之遺裔未泯而莫氏之惡貫已盈。天理人心昭昭不可掩也。亂臣賊子人人得而誅之。爾安南雖僻在炎荒然素被天朝聲教中間豈無抱忠仗義之士。撥亂反正之才。必能共舉義兵以誅元惡茲當大懸賞格以速成功。爲此仰抄案回道照案事理省諭各父老士民知悉爾等各宜欽奉 上天禍淫覆暴之心仰體我 皇

上正名問罪之意。思黎氏爲汝之舊主。惡莫氏爲爾
之世讐。各宜奮勇抒忠。建謀設策。一倡群和。不約而
同。近悅遠來。不期而會。大興討逆之義旅。殲厥渠魁。
弘宣緝衆之仁聲。安其田里。有能擒斬莫登庸。莫方
瀛。父子者。賞銀二萬兩。仍奏聞。朝廷大加陞秩。有
願以一府歸附者。卽以其府與之。有願以一州一縣
歸附者。卽以其州縣與之。仍各賞銀一千兩。又聞莫
登庸以都齋爲自防之計。以九公府爲都齋之衛。夫
九公府豈無良心哉。不過畏其勢脅之從耳。今九公

府有能擒斬莫登庸莫方瀛父子者一體賞銀二萬兩。奏聞。朝廷大加陞秩。有願以府州縣歸附者亦卽以其地與之。并照前給賞。夫如是則安南無辜之民得免殺戮之苦。安南有志之士大彰忠義之名。天道以順人心以安。豈非安南之大幸哉。不然則天兵四集之時。難免玉石俱焚之患。是時雖有忠義之士。無以自見。亦將駢首就戮。噬臍之悔。殆無及矣。汝父老士民其速圖之。

記

平斷藤峽記

南粵平災

按峽舊名大藤。曰峽有藤大如斗。延亘兩厓。諸蠻遏商艘。掠郡邑。援藤出沒若蟻。渡然是其險。以劇寇著也。烈哉。韓公雍已平茲峽。改曰斷藤。故粵有督府。自平大藤始。嗚呼。民有寧宇者。僅數十年。乃復據阻于峽。夫蒸莽旣剪。厥有遺孽。久則蔚蒼。先是有勒田寧之師。襲擊之者。峽南稍平。而其北繹騷。以起蓋渠賊。○渠○爲○有○功○渠○不○獲○者○易○於○復○聚匿而孽本存也。候勝海者。居弩灘。稱亂。其仇土酋黃貴者。誘勝海入市。中刺焉。其弟公丁擁衆譟城下。殺

居民而去。巡守左江諸司陳其狀于督府，乃謾拂審勢者之議，擊以輕兵。賊聞先遁。卽設堡以兵三百戍之。公丁鳩其黨夜犯，兵之遇害者二百人。巡按御史諸君演疏其事請征。詔曰：可。時兵部侍郎兼都御史蔡公經文武兼資，茂膺帝簡，受茲闔寄而部檄鄭重以征。峽之命申飭焉。公秉鉞奮虔，巡按御史鄒君堯臣贊畫益力。適有安南之議，請緩之。而公丁橫勢日急，浮柳之人若集于蓼。叅政翁萬達時爲副使，議曰：腸胃之疾，待時而治，可乎？公以爲然。萬達與叅

議曰汝成計遂羅得公下檻致軍門磔于市僉議舉
兵襲會撲其醜類乃復持見不一或曰首惡已俘餘
黨褫魄王者之師示威而已又曰殲之不得必且招
之招之不若容之以爲德也萬達曰不然誅其大慝
其衆必搖勢弗可已也而况慄驚冥頑雖厚施不爲
德耶或又進孤軍猝勦之說汝成議曰違時不可以
居功惜費不足以弭患萬一諸蠻自揣不免峙糗徒
巢伏匿深深必大會兩軍側入窮搜而後已若猝勦非
計之得公乃度衆說而宰決焉時十八年正月也於

促謀公丁城又有佛示可用用鳩勦之法也

此計尤近

是以副總兵張經將左軍、翁萬達監之、會于南寧、而指揮王良輔、朱昇、凌溥、柳浦、周維新、孫文繡屬焉、以都指揮僉事高乾將右軍、副使梁廷振監之、會于賓州、而指揮馬文傑、王俊、戚振、吳同、章屬焉、督餉則叅政林士元、叅議田汝成、紀功、則副使蕭晚、二月丁未、兩軍齊發、誓師作銳、按圖授畧、分哨截隘、出奇設伏、南北夾擊、衝援縱橫、賊大敗奔潰而東、王良輔暨諸偏領鼓兵邀擊之、復蜂潰而西、諸軍鏖斬、勢若刈菅、其俘者具言官兵聲至、酋老約毋結巢、今直漫走、東

奔者已入羅運山矣。遂移兵攻羅運。檄右軍抵長洲。沿江而東。繞出其背。賊乃刊木塞逕。布蒺藜置籬。竄懸石樹杪莽中。則伏機弩毒鏢。我軍悉皆奪之。斬其迎敵者。賊復大敗。適平南古陶諸徭亦弗靖。卽乘大

○用○兵○之○妙○法

乘○其○取○之○勢○

衆取道平之。乃以三月庚寅班師。僅四十五日。凡斬賊級一千三百五十有奇。俘獲四百五十有奇。奪其孽械無算。丐降聽撫者二千九百有奇。咸自犁故巢。挈遷曠原。以就編隸。峽旣平。萬達汝成。復相與酌議。陳善後之策于公。其目有七。皆鑿鑿然恬輯之要。以

是柳潯之間。河䟽道通。農業工惠。監牧者紆隱憂矣。是年予奉命偕公平安南之僭。明年冬班師于邕。柳守戴嘒具狀。价其屬教諭趙翰高詣邕曰。柳者峽賊之所便而受害必先者也。今固可臥護矣。而敢忘其靖謐之自乎。敢以記請。東塘子曰。蠻獠之綦布南土也。種種爾。其毒烈浸淫。非可以仁柔之也。故雖聖哲者作。亦必杜其警端。震之以兵。然而雍舉則有遺本。罟設則有宄。竄於乎吾觀平峽之績。而知君子之猷也。蔡公閩人。字綦沉毅。惠達目無全寇。聲實洋溢。

虛懷取善。是故群才樂爲之用。翁君淵察敏斷。應變不匱。張君洵茂重。懋持朽靡忒。田君知謀善慮。宣傳有本。蕭君敦恪公亮。持法不撓。皆文而知權者也。公文○則○知○古○權○則○達○今○可能用之故。張不窮威。弛不遺艱。斯則共服社稷之役。允托金石之傳。宜備紀矣。乃今安南之平。公寔元勳。而翁君蕭君張君暨王良輔復同事。平夷尊夏之功。視征蠻益烈。豈偶然哉。戴守循廉有聲。聿修政要。治船三百。具舉水軍之場。與有勞於平峽。得并書云。

皇明經世文編卷之一百六十

華亭

徐孚遠閣公 陳子龍臥子

選輯

宋徵璧尚木 周立勳勒貞

唐昌世與公叅閱

苑洛集

疏

韓邦奇

蘇民因以保安地方事

驛府太監

奏為蘇民因以保安地方事此公為浙江金華時所上臣巡歷至嚴州府建德

等縣杭州府富陽等縣地據軍民人等稟稱本處地

蘇市律之先 後曰 肆府

方雖出魚鱠茶綾等物、人民艱苦、肆府太監差人催督擾害地方、雞犬不得安生、要行禁約等因、到臣、爲照前項魚茶綾鱠係供用之物、未敢擅專、又訪得鎮守大監王堂、市舶太監崔瑋、織造太監晁進、督造太監張玉、各差叅隨人等、在于杭嚴二府地方、催攢前項進貢、固已勒要收頭銀兩、而不才有司官吏及糧里人等、倚是貢物、無敢稽察、任意科歛、地方被害、人不聊生、而肆府太監伴貢之物、動以萬計、是陛下所得者一、而太監卽所得者十、叅隨人等所得者百。

有司官吏所得者千糧里人等所得者萬利歸于私家，怨歸于朝廷，上供者一而下取者萬，況此等之物品不甚奇味不甚美，何足以供陛下之用哉。及照建富等縣地方地瘠民貧，山枯乏樵，獵之饒，江清鮮魚鰕之利，兼以近年以來，水旱相仍，徵科四出，軍民困瘁已極，故前歲流民相聚爲亂，一呼千百，幾生大變，幸賴撫捕而安。今尙洶洶未靖，往事在鑑，實可寒心伏望陛下勅下該部將前項貢物特從停止，仍行巡按御史并按察司及該道分巡官揭榜戒諭。

今後敢有指稱進貢名色，在于各地方需索財物，騷擾爲害，應叅奏者，奏請究治，應拏問者，徑自拏問，庶民困可蘇，而地方可保無虞矣。

慎刑獄以光新政事

慎刑獄

此公爲山東叅議時所上

奏爲慎刑獄以光新政事。臣聞刑者人主治天下之大防，而天下治忽所繇係。書稱堯舜之治，至于四方風動，其寃歸於臯陶象刑之功。故刑者人主之所當重慎而不可忽者也。國家法古制刑，內則總之三法，司外則總之提刑按察司，後又特差監察御史審錄。

都御史巡撫且皆付以糾察之寄其法詳且盡矣至
於錦衣衛之設蓋以待夫隱罪極惡。天子非時震
怒特遣下之。非以爲常者也。然其制。列聖相承止
行於畿內。至正德二年以來。權姦相繼用事。假此報
復私讐。中傷善類。用張滌威迫脅海內。官校紛紛而
出。所在有如豺虎。破家亡身者。郡邑相望。天下洶洶
幾至大亂。使非。聖明繼世中興。革而正之。天下未
可知也。近者。聖母駕過山東。高唐州同知金波供
應有缺。陛下詔錦衣衛官校拏至京師。天下譁然。

驚疑謂 聖明在上亦復有此夫金波小官何足以動天下之聽聞而錦衣官校出京拏人則固天下聽聞之所係也伏望 陛下特宥金波之罪自後在外府州縣官有犯付之按察司三司官有犯付之撫按官撫按官有犯付之三法司如此則內外相承體統不紊罪皆闔實孰可逃刑哉臣以外服之臣乃敢塵穢 聖聽罪誠難逭但臣山東方面官高唐臣山東屬州金波臣山東屬官 陛下差錦衣衛官校拏人自臣山東始故輒肆狂聲以獻芹曝惟 聖明采擇

焉

缺盔甲疏

缺盔甲

此下疏山西巡撫時上

查得所屬墩臺隘口守墩軍士原關盔甲什物因年久破爛不堪并節年被虜疎失各路通共缺少盔六千六百八十頂甲七千二百二十二副腰刀三千六百一十八把等因到臣爲照各路守墩軍人共八千五百二十九名今缺盔者至六千六百八十名缺甲者七千二百二十二名缺腰刀者三千六百一十八名是數千人者皆赤身空手之人也臣惟宣府一鎮

擁衛京師去虜賊駐牧之地甚近視各邊最爲要緊而墩軍日與虜賊相臨所恃以典司砲火傳報聲息把截隘口助揚軍威使虜賊不敢以濫入者此諸軍尤爲要緊者也顧可使之赤身空手以當之哉臣嘗因各管墩官申報墩軍下墩取水及走報聲息往往爲三五零賊卽行擒去或在墩上爲賊射傷臣竊疑之本鎮墩臺甚密相去不過二三里舉旗發砲鄰近各墩及設伏之兵二三十人卒然可具遇三五零賊來擒墩軍縱不能斬獲追隨而應援救護力亦所能

何至爲之擒去且賊在墩下軍在墩上身披堅甲墩

○觀○此○知○上○下○攻○打○形○勢○勝○劣○此○聖○心○之○妙○也○

上有女牆遮蔽自下而上仰而發矢何至射傷孰知

其盛甲器械之不備如此夫盛甲所以衛身器械所以攻人今皆無之以赤身空手之人而遇強虜雖百不能以當一其擒去射傷固其宜矣古云器械不利

是以其卒與敵也况皆無乎再照西路城堡極邊衝要虜賊不時出沒已經量給過盜甲腰刀各八百件隨查得萬全都司見在貯庫盛三百六十六頂甲三百五十七副腰刀五百四把并收先年京操官軍帶

回堪中盈八百九十九頂甲四十六副腰刀五千三百五十三把及京營兌調軍器盈一千九百一十七頂甲一千九百四十七副腰刀二千一百四十八把除腰刀可勾支用惟盈甲在庫數少不敷乞 勅兵部查議合無准令將前項軍器支給其欠少之數於該部見收盈甲內扣算照數發運前來聽臣分給各路墩軍收領其各路損壞不堪盈甲腰刀收送都司堪修補者修補查候腹裏軍人有缺者給付庶守墩軍人衛身攻人各有其具而瞭報防守兩便矣

議處年久浥爛預備倉糧以濟時艱事

據宣府前衛申據本衛預備倉糧委官見監鎮撫劉鎮
等各呈告白嘉靖二年起至嘉靖十三年四月終止
除放支外見在倉麤細糧伍萬五千三百八十三石
三升四勺八抄陸撮九圭在厥盛放年久節蒙查盤
踏躑虧折坐問侵盜經收人員經年看守有損無增
愈加致累不得聊生等因臣會同總理糧儲戶部郎
中議照前項倉糧委因年久浥爛經收人員問罪追
賠徃徃至於被家亡身其見在倉糧臣等取而視之

委將漚爛。目下青黃不接。時值委爲太高。軍士糧價。月止六錢五分。糴糧不過五斗。委于養贍有所不足。又召商糴買銀一兩三四錢。方可得糧一石。而米價愈至於騰踴。若不因時議處。何以克濟時艱。合無將前項倉糧。借支給與本城軍士。作爲月糧。候秋成之時。將萬億庫所貯儲銀兩。糴買抵斗還倉。如此則一轉移之間。有五便焉。以陳朽而得新好。國儲不至於有虧一便也。軍士得受其實惠。而不至于怨咨。二便也。富商不得專大利。而時估可平。三便也。所費之銀。

少而得米多四便也。經收人員不至啣冤負枉，破家而亡身，五便也。再照倉糶之泥爛，米價之高貴，軍士之缺食，不特鎮城一處爲然，在各邊亦多如此。而米價之貴，又有甚于鎮城者，亦合通行從宜酌處，乞下該部再議。如果臣等所言可采，乞俯賜施行。

傳報大舉疏

三關防守

臣看得本省三關山西所屬東路與大同渾源應州西路與大同朔州馬邑等處地方相爲犄角，山南兵力寡弱，全恃渾應朔州馬邑地方以爲屏蔽。近日前

項地方不可倚恃，而本省山南地方，承平無備，恐大虜深入，未免地方受害。一面案行雁門兵備道三關八角守備官，及岢嵐保德河曲代州繁峙等州縣，各所屬地方，俱要歸并堡舍預備器械銃砲多積磚石灰甓等物防禦。一遇有警，各就收斂人畜，堅壁清野。一面行委都指揮使前赴老營堡代統遊擊兵馬，選委都指揮僉事帶領官軍前去鎮西衛等處地方，把總指揮帶領官軍前去代州等處地方，指揮帶領官軍前去天門關等處地方，各防守去後，今據前因，爲

照前項虜賊自今年正月以來屢犯我邊或逐趕出境或斬獲首級今乃於九月十七日大舉寇邊深入我境東至繁峙縣地方西至鎮西衛伍所大寨地方目今雖已出境而大營尚在朔州邊地任劄察其形勢及各官所報較之往年寇邊情狀頗異一枝入洪州地方以綴大同東路之兵一枝既入老營堡地方旋入復出以綴大同西路之兵使兩路之兵各自爲救不能應援鄰封之師而大營則深入徑下伍所大寨可以肆然出境而無要截之患其爲奸謀亦深矣

內三關兵力寡弱勢告...入不流自

○振○故○須○信○火○同○兵○以○驟○其○後○

且調延綏應援之兵。又却不至。再照本鎮極臨邊境。兵孤將寡。而外援不至。况今虜計狡詐異常。卽今正係馬肥弓勁。虜騎馳突之時。彼虎狼之性。貪饕無厭。若再大舉深入。其何以支哉。伏望 皇上軫念三關地方。爲華夏分界重地。勅下該部。早加議處。及行大同延綏援兵。如遇虜賊大舉深入三關地方。隨卽應援。勿得自分彼此。致誤邊事。庶虜賊入無搶掠之利。出有要截之患。則我地得安。彼勢亦挫。不敢復爲深入之舉矣。

欽遵 勅諭疏

三開

嘉靖十六年五月二十七日、欽奉 勅諭親歷各處、
嚴督所屬、逐一點視、何處軍馬缺乏、所當選補、何處
兵甲損壞、所當修葺、牆垣壕塹、有無高深、墩臺城堡、
有無完固、器械有無齊備、糧草有無充足、或修或補、
督令有司、着實用工、或增或益、不許虛應故事、其軍
職官員、如有貪懦無爲、後占軍士、以致操守不嚴、備
禦無法者、叅奏拏問、凡利有可興、弊有可革者、聽爾
便宜處置、應奏請者、具實奏聞、爾等須悉心整理、務

吏邊備修舉、地方寧謐、庶副委任、如或照前、因循廢弛、以致臨期誤事、責有所歸、年終通將整理修舉過事蹟、造冊奏繳、以憑查考、爾等勉之慎之、故勅、欽此、欽遵、臣遵奉 勅諭、備查照得、山西三關一帶沿邊地方、寧武以東隘口及山岡平漫之處、雖虜騎可通、然有隘可據、若得人以守、虜終不能長驅而入、寧武以西與虜近切為鄰、則漫然平曠、虜騎可以長驅無阻、而原設兵將比之他邊甚少、城堡亦甚稀疎、然前此虜賊顧少侵犯者何也、以大同重兵為之屏蔽也、

德因山西所外邊上之兵不知實人明慎故也然山西

流不遇一二百里置一城鎮

且由老營堡至八角所等處。土曠人稀。無所虜掠。必
深入至鎮西衛地方。人畜堡寨始繁。縱有所得。及其
返也。又有大同平朔等處之兵。截于前。老營偏頭等
處之兵。乘其後。往返必須數日。賊大同鎮重兵。亦皆
會集據險。邀擊。徃徃失利而去。彼雖犬羊無知。然亦
有所畏憚。不敢輕入。故三關之地。兵雖寡弱。老營堡
等處。雖極臨邊境。地方平曠。而虜之侵犯。比之他邊
爲少也。臣又查得山西汾州潞州平陽等衛所官軍。
撥去大同防禦者。七千餘名。官軍月糧。仍在山西支

給夫以山西官軍。戍守大同。山西糧儲。供給大同者。正以其屏蔽山西也。且虜之侵犯三關。必由大同邊境而入。今者大同之境。時被侵犯。切於自顧。勢難他及。而世平時久。事失其初。大同三關。又各自分彼此。如此則三關之地。已爲大遼極塞。而老營堡一路平曠。又兵馬之寡弱若此。將官城堡之稀少若此。虜騎擁衆南下。其何能支哉。兵法曰。勿恃其不來。恃吾有以待之。今待之者無其具也。惟恃其不來耳。此在吾者如此也。臣等載觀近日虜之入寇。姦謀詭計。與昔

不同向也。無甲冑。今則明盔明甲。勢甚剽疾矣。向也短於下馬。不敢攻空城堡。今則整備鈇鑕。攻空城堡矣。向也不知我之虛實。夷險雖或深入。不敢久留。今則從容久掠。按轡而歸矣。向也羣聚而入。群聚而出。忽若飄風。今則大舉決於一處。分掠各邊。使不服應援矣。向也兵無紀律。鳥合而來。星散而去。今則部伍嚴整。旗幟號令分明矣。向也不焚廬舍。今則放火焚燒矣。其故何哉。有中國之人。爲之謀畫。有中國之人。爲之鄉導。有中國之人。爲之姦細。有中國之人。遺易

之以鐵器。況事變之時。投入虜中者。又皆慣戰有勇之人也。此在虜者如此也。度我度彼。勝負從可知矣。臣等聞之。萌芽不剪。滋蔓必長。履霜不戒。堅冰斯至。今大同之兵。既不能爲三關屏蔽也。而三關之兵馬。不增將官。不選城堡。不加規畫。臣等惟恐今年深入。明年深入。今年得利。明年得利。漸不可長。大起於細。邊人塗炭。不足言也。數年之後。虜且生心矣。臣竊見各處大邊。如宣府。延綏等處。虜皆不得肆然而入。何也。一則兵力強盛。一則關山險隘。一則百戰之餘。豪

傑彙生皆未有如老營堡之空虛爲可乘者也虜若
狙於常勝妄興異謀圖入中國惟此途爲甚便臣等
嘗詳察華夷之界自大河以西由石隰岢嵐靜樂寧
武至雁門歷紫荆居庸直抵山海關一帶界山崇岡
峻嶮固天所以限華夷而保障生民者也中古以來
類皆守於險外以爲重險之固紫荆居庸之外則有
宣府一鎮鎮城旣設重兵復設五路叅將大小城堡
各設守備操守把總等官原額旗軍一十二萬雁門
之外則有大同一鎮鎮城旣有重兵復設三路叅將

九州縣大小城堡各設守備等官原額旗軍八萬餘名其城之堅必不可攻也其池之深必不可越也馭戎設險之道誠莫有加焉寧武以西其險則在興嵐石隰等處古人皆以此地建節國家亦守於險外置偏頭老營諸城堡然止設一副總兵一遊擊并近日巡撫奏設止有四守備騎兵惟九千餘名而興嵐等處則又棄而不守其城數目之間可攻而破也其池頃刻之際可負土而平也且宣大既有巨鎮重兵而內猶守居庸紫荆雁門之險今偏頭等處旣已

本非棄而不守以恃有外邊故也

兵孤將寡而興嵐等處乃又棄而不守虜騎長驅而下更何所恃以爲藩屏哉我國家設險馭戎自遠

東以至甘肅經理周密獨偏頭等處乃一大空缺故臣等以爲虜若妄興他志圖入中國必由此地而入也夫善動者因其時先機者通其變當今之時變而宜通之時也以臣計之岢嵐州實華夷之界有險可據宜設一叅將益兵三千神池堡要害之地宜拓一城設一守備益兵五百八角之東寧武之西八角之西偏頭之東適中之地亦各爲一堡各設一守備或

於五塞前後設立據險以便截殺亦各益兵五百所

益之兵聽臣等召募或於民壯中戶大者僉取副總

兵宜陞為總兵推選謀勇都督領之此地邊短若上立駐劄寧武其偏

關仍一守備益兵八百可也提督都御史不必兼理

巡撫山西一省止巡撫沿邊一帶地方忻代保嵐石

五州所屬及雁門石隰二兵備并都司布政司管糧

官按察司管屯官并守巡冀寧道及叅遊守備俱聽

節制其餘山西布按二司府州縣官員賢否軍民詞

訟歲辦差役俱不必管理庶得專意經畧邊事老營

堡宜設一所，以管常備新軍。夫不一勞者，不久逸。不
暫費者，不永安。是不過給馬七千匹，發銀十萬兩。工
程可計日而定也。其山西汾州等衛所防禦大同官
軍，仍掣回山西三關防守。遇有警急，與大同互相應
援。如此，則不惟三關之兵威可振，而大同之勢亦達
爲之壯矣。乞勅下該部再加議處施行。

皇明經世文編卷之終